

diam populum dimittere non liceat, quod Christus ea hora, sicut olim in Aegypto, venturus erederetur. Iudeos etiam Melchiam suam mendam de expectare. Sed in Christi sententia hanc mendam, *refutari diem, neque horam*. Quod ergo media nocte venisse dicitur sponsum nihil aliud significat, quam eo tempore venisse, quo zainime expectabatur. Quis enim crederet media nocte venturum esse, cum omnes homines summa occupat quiete, quem admodum recte Gregorius, Hilarius, Hieronymus, Augustinus eodem loco, Theophylactus, & Beda interpretantur. Non pars est clamor, qui media nocte factus est, *ecce sponsus venit*. Hic proculdubio clamor ille est, qui capite precedenti versu 31. per tubam, & vocem magnam significatus est, ut Origenes, Chrysolomus, Auctor imperfecti, Euthymius, Theophylactus, Hieronymus, & Augustinus epistola 120. cap. 34. exposuerunt. Decima pars est, quae exponitur versu 7. *Tunc surrexerunt omnes virgines illae, & ornauerunt lampades suas*, quod Hilarius de corporum resurrectione, atque reformatione interpretatur. Melius eadem epistola D. Augustinus. Auctor imperfecti, & Beda hoc loco exponunt, auditu rumore aduentus Christi fore, ut omnes homines, qui quasi oppressi somno de illo non cogitabant, veluti expergiscant, sicut D. Paulus dicit, *hora est iam nos de somno surgere, sicut enim proprius est nostra salus, quam cum credidimus, ad Rom. 13. 11. Ornare vero lampades suas est opera, quae quae facit, ad reddendam in iudicio eorum rationem in memoriam reuocare. Undecima est, quod virgines fatuae dicunt sapientibus, *Date nobis de oleo vestro, quia lampades nostrae extinguuntur*, quare dicitur non est, significari fore, ut homines, qui bona opera non habuerint, nimis sero, cum iudicantur, Sanctorum auxilium implerent, ut Auctor imperfecti interpretatur, quasi velint se aliorum bonis operibus tegere. Duodecima est, quod sapientes virgines respondent, *Ne forte non sufficiat nobis, & vobis, ut potius ad vendentes, & emite vobis*, ubi duo animaduersione digna sunt: altera quod sapientes virgines negent insipientibus auxilium, non, si possent, dare non velint: sed quod tam sero dare non possint, ut Chrysolomus, Euthymius & Theophylactus exponunt, aut quod probabilis est, quia vt Auctor imperfecti ait, nemo erit in illo tam horrendo iudicio, qui sibi fatie confidat, fatigis bonorum operum habere videatur: hoc enim verba illa *pro se ferunt, ne forte non sufficiat nobis, & vobis*. Quibus verbis neque Ecclesiae thesaurus, qui Sanctorum meritis constat, nec eorum in alios homines suffragia tolluntur, quae vnus bona opera inuare non possint alterum. Eadem enim ratione probaretur Sanctos etiam, dum viuerent, alios viuentes suis precibus inuare non potuisse, quod omnibus scripturis sacris contrarium est, ex iisdem etiam discimus Sanctorum meritis mortuos adiuuari, hoc enim apud Lucam cap. 16. 9. Christus declarat, *Facite, inquit, vobis amicos de mammona iniquitatis, ut cum defeceritis, recipiant vos in aeterna tabernacula: sicut & aliorum fidem, atque laborem alius sepe prodesse, ex cap. 9. multi, vt illic diximus, veteres auctores recte colligerunt, Videns, inquit, Iesus fidem eorum dixit paralytico, *Confide fili, remittuntur tibi peccata tua*. Quid ergo est, quod hoc loco significatur? Illud nimirum, tantum in iudicio illo exigimus vnumquemque ex propriis operibus, non ex alienis esse iudicandum, vt D. Paulus dicit 2. ad Corinth. 5. 10. & vnumquemque onus suum portaturum, vt ait Galat. 6. 5. Sic D. Augustinus epistola illa, quam sepe citauimus 120. exponit, atque ita intelligendum est, quod Hilarius, & Chrysolomus scribunt, declarari hoc loco, neminem aliena opera inuare. Alterum est, quod fatuae virgines ad vendentes mittuntur, vt oleum libe-**

Sanctorum meritis mortuorum adiuuari.

A mant. Vendentes Origines, & Auctor imperfecti Ecclesiae Doctores interpretantur, qui verbum Dei non pretio, sed salute, & fidei confirmatione vendunt, sicut D. Paulus ait, *non quare, quae vestra sunt, sed vos 2. ad Corinth. 12. 14.* & sicut eos, quos ad Euangelium duxerat, gaudium suum, & coronam vocat Philipp. 4. 1. Augustinus vero, Gregorius, & Beda vendentes adulatorum intelligunt, qui fallarum laudum somos venditare solent, quasi per Ironiam haec dicta sint, ite ad adulatorum, quoru laudationibus delectabamini, & videamus, quid vobis eorum laudes prodesse possunt. Hieronymus in hunc mundum fatuae virgines, id est, homines bona opera non habentes his verbis remittit, vt bonorum operum oleum multo sibi labore comparant. Credo hanc partem parabola non esse: sed ornamentum ex consuetudine eius rei, quae aut poterat accidere, aut vero similis erat, ad explendum narrationem adiectum, sicut & quod sapientes virgines dicunt, *ne forte non sufficiat nobis, & vobis*, vtumque enim non ad aliquid significandum, sed quia vero simile erat: ad eum modum responsuras fuisse virgines, dixisse perhibetur. Itaque opera pretium non facit, qui horum verborum sensum non necessarium subtilitate discipulit, id est versu 10. intelligitur, ubi dicuntur virgines fatuae ad emendum oleum abisse, nec enim ea re significari potest eos, qui bona opera non habuerunt, in hunc mundum ad ea emenda, id est, comparanda esse remittendos. Vniquisque enim referet, prout ante diem illum gesserit in corpore, siue bonum, siue malum, vt 2. ad Corinth. 5. 10. docet D. Paulus, sed dictum est, quia vero simile erat: virgines fatuae ad emendum oleum, cum ab aliis virginibus illud accipere non possent, iuras fuisse, & oportuit Christum verisimilem texere narrationem, quod si hoc aliquam significationem haberet, illud tantum, vt mihi videtur, significare potest, homines stultos, & improuidos nimis sero, & cum tempus iam praeterierit, bona voluntus opera comparare, & sero esse diligenter. Decimertia pars est, quod sponsum dicitur venisse interrim; quod nemo dubitat Christum ad iudicium aduentum significare. Decima quarta, quod quae paratae erant cum sponso ad nuptias, id est ad nuptiarum locum, & coniunium intrauerunt; quo vita beata declaratur, vt Apocalypsis 19. 7. *Gaudete, & exultate, & demus gloriam Deo, quia veniunt nuptiae agni, & vocatus est nuptiarum agni vocati sunt*. Decima quinta est, quod ianua elata fuisse dicitur, cum fatuae virgines redierunt, quod nihil aliud significat, quam eas nimis sero bona opera facere voluisse, cum tempus iam non esset operandi, sicut Christus dixit Ioannis 9. 4. *Veni nunc, quando nemo potest operari*, neque vltra discendum est, quomodo fatae virgines peracta iam nouissimo iudicio in caelum redierint, ianuamque pulsauerunt, & Christum sollicitauerunt precibus, vt sibi aditum aperiret. Haec enim omnia, sicut & illa, quae paulo ante diximus, non ad significandum, sed ad explendum, ornandum quae parabole contextum adiecta sunt, neque quia id in celo euenturum est, sed quia inter homines vero simile erat, euenturum fuisse, & vt ait Gregorius homilia in haec verba 12. illud tantum indicatur, *lli iam ad Deo non posse mereri, quod petit, qui his noluit audire, quod iussit*.

12. *Vestis vos*.] Omnes & veteres, & noui Theologi obsecrunt sciendi verbum hoc loco, & aliis consimilibus non cognitionem, sed effectum declarare, & vt vocant, scientiam approbationis, quasi dicat Christus, non approbo vos, non agnosco pro filiis meis, aut, vt ait Auctor imperfecti, non video in vobis signaculum

Serua in sententia idem nomen, quod approbare.

lum spiritus mei, de quo 2. ad Corinth. 1. 12. & ad Ephes. 1. & 4. 30. loquitur D. Paulus.

14. *Sicut enim homo peregre proficiscens*.] Imperfecta, & pendens oratio. Nihil enim est; quod particula *Sicut*, respondet, complectique sententiam, vt Origenes tractatu in Mathaeum 33. animaduertit. Itaque intelligendum aliquid necessario; vt si est regnum Dei, quemadmodum vers. 1. dixit, *Simile est regnum caelorum decem virginibus*. Similis oratio apud Marcum cap. 13. 34. Potest dubitari, num eadem haec parabola sit, atque illa, quae apud Lucam est cap. 19. 11. multa enim ad Mathaeum hic, & ad Luca illic dicuntur dissimilia. Lucas & alio loco, & occasione alia propositam narrat, cum prandisset apud Zachariam Ierosolymam veniens, antequam alio in diem ingrederetur: Mathaeus cum sederet in Monte oliuatum tertio post celeberrimum illum ingressum die, vt cap. 24. 3. probauimus; Lucas decem, Mathaeus tribus seruis dominum bona sua distribuisse narrat; Lucas singulis seruis minas singulas dedit; Mathaeus vni quinque talenta alteri duo, tertio vnum; Lucas primum seruum vna mina decem, secundum quinque lucrifecisse; Mathaeus primum quinque talentis alia quinque, secundum duobus quatuor; Lucas seruum illum pigrum minam suam in sudario ligatam habuisse; Mathaeus in terram desolasse. Quibus argumentis ad ductus Chrysolomus dicitur putat esse parabolas. Hieronymus tamen & Ambrosius in commentariis in caput decimum non Lucas, vnum faciunt. Hoc potius probo, & quia ab omnibus recentioribus etiam auctoribus eadem esse dicitur, a quibus nolo sine magno argumentis dissentire: & quia vix vero videtur simile Christum tam breui temporis intervallo bis eandem parabolam diuersis verbis proposuisse. Quod ergo Lucas alio loco, & tempore, quam Mathaeus propositam fuisse indicat, nouum non est, vt Euangelista in loci, ac temporis circumstantiis discrepare videatur, dum summa rei gestae non ordinis ac temporis rationem habent. Credendum ergo haec Christum, antequam Ierosolymam ingrederetur, dixisset, ita ut Lucas dixit, Mathaeus tacuit, non contra dixit. In exteris vero rebus, quibus videtur dissidere, non Christi verba, sed totius parabole sensum explicare voluerunt: sensus autem & apud Lucam, & apud Mathaeum, licet verba varient, idem est: estque credibile Mathaeum potius, quam Lucam Christi verba retulisse, & quia praesens fuerat, & quia distinctius videtur totam parabolam enarrare. Fortasse Lucas, quia Christus in precedente parabola regnum caelorum decem virginibus comparauit, eundem hic numerum vsurpauit. Sed id ad sensum nihil refert. Vellem Augustinus in libris de consensu Euangelistarum suam de hac re sententiam exposuisset: sed quaestionem non proposuit. Videndum nunc est, quo parabola sensus spectet. Eodem, vt ait Euthymius, quo illa superior de fidei seruo, quem dominus longe abiens familia sua dicitur praefecisse capite 24. 45. Eodem etiam, quo praecedens parabola de cetis virginum; acceptam ad Deo fidem, & gratiam diligentia, bonisque operibus excellentiam atque augendam esse, vt de 1. Corinth. 15. 10. ait D. Paulus, *Et gratia eius in me vacua non fuit: sed abundantiis illis omnibus laboraui*. Tum etiam vnumquemque ex propriis operibus iudicandum versu 12. & 23. Denique nos per gratiam ad Deo acceptam eiusdem gratiae accessionem mereri. Quae partes parabola videri possunt duodecim sunt. Prima homo peregre proficiscens, quo nemo dubitare potest Christum significari. Expressit Lucas cap. 19. 11. *Homo quidam nobilitatis in regionem longinquam accipere sibi regnum*. Nobilitatem enim vocat; sed non regem, quia nondum re-

gni possessionem acceperat, qua accepta regem appellat; sicut & Mathaeus nunc hominem, potest regem vers. 14. Secunda pars est, quod homo ille nobilitatis, id est Christus peregre dicitur proficisci, quod Chrysolomus, & Theophylactus de incarnatione videntur interpretari; quali peregre profectus fuerit, cum a caelo in terram venit; & peregre abierit, cum a terra in caelum rediit, non quod caelum a terra longe distet, sed quod status ille Christi caelestis, quo & ante incarnationem in forma Dei erat; & post ascensionem sedet ad dexteram patris, longissime ab eo distet, quo habitauit in nobis habitu inuentus, vt homo, aut potius vermis, & non homo, opprobrium hominum, & abiectione plebis. Alij peregre profectum dicunt, quia in caelum ascendit, quod longe abelli a terra, vt Origenes Auctor imperfecti, Hieronymus, Beda. Alij, quod non nisi longo post tempore venturus esset, quemadmodum si multorum annorum peregrinationem suscepisset, vt Chrysolomus etiam indicant. Hoc mihi magis placet. Nam loci distantia nihil, temporis vero longinquitas multum ad rem pertinebat. Voluit enim dominus longa absentia seruatorum suorum fidem, diligentiam quae experiri, vt cap. 21. 33. & 24. 48. & supra hoc capite versu 5. Tertia sunt serui, quos maior pars veterum auctorum Ecclesiae Doctores interpretantur, quod illis Christus diuersa talenta, id est aliis maiorem, aliis minorem gratiam ad praedicandum Euangelium, & ad exponendas scripturas sacras contulisse videatur, vt Origenes tractatu in Math. 33. Chrysolomus, Hieronymus, Beda, Euthymius, & Theophylactus in commentariis, & D. Ambrosius in caput Lucae 19. & Caerius homilia 22. In hanc sententiam Iulianus in Tryphone hanc parabolam aut exposuit, aut accommodauit. Alij seruos omnes homines, sicut Christianos intelligunt; id est adiecta sua diligentia, & eiusdem gratiae incrementum, & vitam aeternam mererentur. Sic Anastasius quaestiones 84. & Theophilus Antiochenus libro primo Allegoriarum. Hanc ego interpretationem altera meliorem iudico, quia, vt ait Lucas, non solis Apostolus, qui Euangelij Doctores erant; sed omnibus, qui aderant, auditoribus parabolam Christus proposuit, & quia, vt saepe monere soleo, non est sine necessariis argumentis scripturae sententia restringenda.

Vocauit.] Adnotantur quidam nouerum haereticorum interpretes hanc in vocandi verbo vim esse, vt significetur nullum Ecclesiae Doctorem, nisi legitime vocatum, Euangelium debere praedicare. Iam docuimus non agi tantum de Doctores, itaque futile est ista subtilitas; sed non est tamen, quamuis aduersariorum, consilium contemnendum; recte enim monent nos; vt eos quia legitime vocati non sunt, non Ecclesiae Doctores, sed haereticos esse intelligamus. Quarta pars est quod dicitur homo ille seruis bona sua tradidisse, quod versu 15. & deinceps nomine talentorum explicatur. Itaque eadem pars parabola est, *vt addit eis bona sua, & quod postea sequitur, vni dedit quinque talenta, alij autem duo, alij vero vnum*. Talenta ergo, & bona quae Deus hominibus distribuit D. Ambrosius in commentariis in cap. 19. Lucas naturalem rationem esse dicit, quam qui diligenter excolit, dignus videtur esse, vt eius naturae gratia insuper addatur, id est, vt plura illi committantur talenta. Hoc & nimis late patet, quia omnibus hominibus natura data est, cum Christus de solis fidelibus loqui videatur, & non video, quomodo cum eo verbo, quod sequitur versu 15. *cohaerere possit; vnicuique secundum propriam virtutem; nec enim natura, aut naturalis ratio vnicuique secundum*

Phil. 2. 7. Psal. 21. 7.

Y propriam

propiam virtutem data est, cum nemo, antequam naturam haberet, virtutem ullam habere possit. Alii bona, & diuersa talenta diuersa officia Ecclesiastica interpretantur; quale est Episcopi, Presbyteri, Diaconi, vt Auctor imperfecti homilia quinquagesimatercia. Alii sensus, vt Hieronymus, & Beda, quorum interpretatio eadem ratione, qua illa prima D. Ambrosij refelli potest. Plerique talentum ipsum Euangelium, & verbum Dei, quod Doctoribus exponendum, atque annuntiandum committitur, intelligunt, vt Iustinus in dialogo contra Tryphonem, Origenes tractatu in Mattheum 25. Hilarius cano. 27. Chrysostomus, & Theophylactus in hunc locum. Alii generalius omnia gratis, quam vocant gratis data; genera per talenta diuersa intelligenda esse volunt, vt Anastasius quaestione octuagesima quarta. Quae omnes interpretationes nimis mihi Christi sensum restringere videntur. Itaque generaliter expono talenta omnia dona, quae a Deo hominibus dari solent, significare: inter quae gratia, quam vocant, gratum faciens, cuius superiores auctores non meminerunt, primum locum tenet. Eam Deus hominibus tribuit, vt adhibita sua ex parte diligentia multiplicent, & augeant, non vt in terram defodiant, id est, otiosam esse sinant, quemadmodum de se dixit D. Paulus, & gratia eius in me vacua non fuit, 1. ad Cor. 15. 10. & sicut eisdem monet Corinthios, dent operam, ne gratiam Dei frustra accepisse videantur 2. ad Cor. 13. 6. 1. Quinta pars parabola videri potest numerus talentorum, quod alii quinque, alii duo, alii vnum tantum data sint. Hoc enim Hieronymus, & Beda aliosque nonnullos impulsi interpretes, vt subtiliter quarerent, quid per quinque, quid per duo, quid per vnum significaretur, & vt alii per quinque talenta quinque sensus, per duo intellectum, & voluntatem; per vnum memoriam; alii per quinque talenta quinque legis libros; per duo vetus, nouumque Testamentum; per vnum totam scripturam sacra interpretarentur: quod sententia Christi videtur esse contrarium, qui haud dubie plus per quinque, quam per duo, quam per vnum significare voluit, horum vero magnorum licet auctorum ratione, atque sententia plus duo, quam quinque significarent. Itaque hunc ego numerum nihil ad sensum parabola pertinere arbitror, quod ex Luca cap. 19. 13. manifestum est, qui non alii quinque, alii duo, alii vnum talentum, sed singulis seruis singulas minas datas fuisse dicit. Quod si numerus ad parabola sententiam perlineret, Lucas eum minime variasset: mutasset enim Christi sententiam. Quia vero illud in parabola potissimum agebatur, vt doceret Christus alios homines cum gratia Dei diligentius, alios negligentius cooperari, hoc tantum Lucas expressit dicens, vnum ex decem illis seruis vna mina decem; alium quinque lucrificasse. Si quid numerus apud Mattheum mysterii habet, hoc tantum habet, vt generaliter significetur nec omnibus hominibus aequalia a Deo dona dari, nec equaliter ois eum acceptis cooperari donis. Quod autem dicat quinque potius, quam sex, duo potius, quam tria, in eo nihil existimo esse mysterii. Quod vero ait Christus talenta distributa esse, vniuique secundum propriam virtutem, haud facile est interpretari. Hilarius, Auctor imperfecti, & Theophylactus propriam cuiusque virtutem fidem intelligere videntur, quam prout quisque maiorem, aut minorem habet, maiorem, aut minorem a Deo accipit gratiam. Periculosa sententia, si intelligant nos fidem ex nobis ipsis habere, vt propria cuiusque virtus dici possit. Nam vt ait D. Paulus, Dei donum est. Fuit in eo Origenes errore, vt ex commentariis in hunc locum apparet; fuit aliquando etiam D. Augustinus, vt ipse reprehendens

Eph. 2. 8.

A aduersus Pelagianos scribens saepe testatur; melius Hieronymus, & Beda videntur interpretari vniuique secundum propriam virtutem, id est, prout se quis ad recipiendam gratiam disponit; hoc enim Ecclesiasticum est dogma, licet heretici repugnent, & omnino verum, quam v's non ausim affirmare, id Christum dicere voluisse: In magno relinquo. Nam aut vera est interpretatio, aut simillima vera. Non existimaue in absurdum, si quis dixerit propriam cuiusque virtutem naturam esse, quam est ex Deo, non ex nobis ipsis habemus, tamen nihil tam nostrum vocare possumus; & est valde meo iudicio verum simile, Deum in distribuendis donis suis naturam vniuique ipsae rationem habere: quis enim dubitet Moyli propterea gubernandi spiritum, & gratiam potius, quam alius contulisse, quia natura sua prudens fuit, & vt scriptura testatur, omnium hominum in vltimis erat? Scio & posse, & al. quando solere balbutientes Esaias adhibere ex altera carbones eloquentes efficere. Scio & per Arianam loqui: sed horarum, illud vitium est. Quae quam magis est sententia, non illa quidem omnino certa, sed certior, vt mihi videtur probabilior, verbum hoc, vniuique secundum propriam virtutem, non ad aliquid in parabola significandum, sed ad extendendam parabola narrationem ex consuetudine hominum, ex quibus parabola sumebatur, Christum adhibuisse, cuiusmodi exempla multa iam in superioribus parabolis adnotauimus, vt in hoc ipso capite versu decimo, vndecimo, & duodecimo. Quia ergo solent homines bonam fidem non tenere, & aequaliter, sed pro cuiusque virtute, ac fide distribuere, dixit Christus hominem illum peregre proficiscentem alii quinque, alii duo, alii vnum talentum tradidisse, vniuique secundum propriam virtutem. non quod Deus fecerit donum propriam cuiusque virtutem gratiam distribuat; in eo enim non est parabola ad res significandas accomodanda; sed quod id homines, de quibus Christus loquebatur, facere soleant, & vt saepe diximus, voluit Christus in parabola vero similia, & fieri solita narrare, etiam si nihil ad finem parabola pertinerent. Sex a pars est, quod dicitur versu 20. Domine quinque talenta tradidisti mihi, ecce alia quinque superlucrasus sum. Similiter, quod de eo, qui duo acceperat talenta, dicitur versu 22. alia duo lucratum esse, quid enim sit alia talenta superlucrare, varie veteres interpretes exponunt, alii, quos diximus per talentum verbum Dei intellexisse, praeterea etiam Anastasius plura talenta superlucrare interpretantur plures homines Christianos facere, sicut loquitur D. Paulus prius epistola, ad Cor. nono, decimo nono, vigesimo. Nam cum liber essem ex omnibus, omnium me seruum feci, vt plures lucrificarem, & factus sum iudas, tamquam iudeus, vt iudeos lucraret, in, qui sub lege sunt, quasi sub lege essem, cum ipse non essem sub lege, vt eos, qui sub lege erant, lucrificarem. Alii plura talenta superlucrare esse dicunt maiore scripturarum, quae sibi commissa sunt, & diuinarum rerum notitiam sibi copare, vt Hieron. in commentariis. Alii fidei opera adiungere, vt Hil. can. 27. Hec omnia Christi sententia misie reddunt angustiam, itaque Auctor imperfecti mihi placet interpretatio, vt accepto talento plura talenta superlucrare sit accepta gratia benevento dote accessione mereri, hoc enim & Catholica docet Ecclesia, & apte conuenit in hunc locum, vbi id Christus agebat, vt doceret eos, qui accepta talentis bene, diligenterque negotia essent dignos esse, quibus plura talenta traderentur. Hoc enim est, quod ait versu 28. Tollite itaque ab eo talentum, & date ei, qui habet decem talenta, & versus vigesimo nono, Omni habenti dabitur, & abundabit. Nisi forte magis placet, plura talenta lucrari hoc esse per

Nam. 11. p. 8. 6. 6. Nam. 11. 18

per acceptam gratiam plura bona opera perficere; vnde illud consequatur, quod modo dicebamus, vt quo quisque plura bona opera facit, maiorem gratiae accessionem mereatur; sicut illi, qui alia quinque talenta superlucrasus fuerat, vnum insuper talentum inutiliter serui datam est. Septima pars est versus decimo octauo. Qui autem vnum acceperat, abijci fedit in terram, & abscondit pecuniam domus sui. Itaque videndum est, quid sit talentum in terram defodere. Duo mihi videntur hac re significari; nimia negotiandi negligentia, cui opponitur, quod postea huiusmodi seruo Dominus dicit versus vigesimo septimo. Oportuit te committere pecuniam meam nummulario, nummularius enim datus est tibi, aut negotiari volumus; in terram defodimus eam, quam otiosam habemus; defodere ergo talentum est, gratiam Dei, vt loquitur D. Paulus, in vacuum accepisse. Significatur deinde nimis quidam timor perendi talenti. Vtrumque vsu venire solet his, qui nimio quodam metu vota, aut Evangelica consilia violandi dicunt se sola praceptorum obseruatione esse velle contentos, ne dum consilia obseruare volunt, ne praepcepta quidem obseruent, id est dum talentum ad negotiandum exponunt, non solum lucrum nullum faciant, sed sortem etiam perdant; nam plerumque & lucrum perdit, & sortem, & neque consilia obseruant Evangelica, neque praepcepta; sicut seruus ille negligens causam se auiterum, & rigidum habere ad omnia, qui metere, vbi non seminasset, ideoque talentum in terram defodiens non solum nullum fecit lucrum, sed talentum etiam, quod maxime volebat defodiendo seruare, perdidit. Auctor operis imperfecti talentum in terram defodere esse dicit acceptam gratiam obruere carnalitate; Ambrosius vero in commentariis ad id caput Lucae refert, naturalemque rationem obruere voluptate. Sed haec allegorica sunt. Ille, quem indicauimus, nisi fallor, verus est sensus; Lucas non dicit seruum illum negligentem acceptam minam in terram defodisse; sed sudario illigasse, eodem sensu. Vtraque enim metaphora, quamuis diuersa, idem significatur, gratiam, dum nimis diuise seruum volumus, otiosam reddi, & ad extremum amitti. Dubitant nonnulli cur potius Christus dixerit seruum illum, qui vnum, quam ceteros, qui plura acceperant talenta, in terram defodisse. Nihil fortassis in eo mysterij est, cum Lucas dicat singulos seruos minas singulas accepisse; si quid autem est, hoc esse arbitror, vt serui illius culpa, negligentiaque exaggeretur, qui cum minus accepisset, minore quoque labore & acceptum seruare, & eo negotari potuit; quod cum non fecerit, dignus fuit, quo illud ipsum, quod acceperat vnum talentum tolleretur. Quod non ita ad rem parabola subiectam accomodandum esse puto, vt significetur semper eos, qui minus a Deo gratiarum acceperunt, esse in eis excolendis negligentiores. Nec enim id perpetuo verum est, sed vt significetur magis esse reprehendendos, qui cum minus onerati acceperint, minus diligenter, fortiterque tulerunt; & qui cum minus acceperint gratia, minus bene rationem reddiderunt, quia facilius est parum, quam magnae pecuniae rationem reddere. Octaua est versus decimo nono. Post multum vero temporis venit dominus seruorum illorum: quae parte dubium non est secundum Christi aduentum significari, qui longo post tempore futurus erit. Nona est, quod eodem loco dicitur, & psuit rationem cum eis, quod nihil aliud significat, quam Christum in iudicio rationem acceptae gratiae ab omnibus, qui se eius seruos proficiuntur, exacturum esse. Decima est versus vigesimo primo. Ait illi dominus eius, Bene serua bone, & fidelis, quia in paucis suis fidelis super multis te constituam, quod idem

& alteri seruo, qui duo talenta multiplicauerat versus vigesimo tertio dicit. Hac re docet Christus maiora se bonis seruis, quam ipsorum merita, praemia daturum esse, quia non sunt condigna passiones huius temporis ad futuram gloriam, quae reuelabitur in nobis, ad Romanos 8. 18. & ut oculus vidit, nec auris audiuit, nec in cor hominis ascenderunt, quae preparauit Dominus iis, qui diligunt illum. Mat. 6. 4. & 1. ad Cor. 13. 9. vt Hieronymus obseruauit. Quid ergo? aliquid accepturi sumus praemij, quod meriti non fuerimus? minime id quidem dico; omne enim, quod habituri sumus praemium, aut meriti erimus, aut praemium non erit: sed quia non ad aequalitatem iustitiae, sed ad analogiam dantis, & accipientis aduertendum est, praemium dicitur maius esse, quam meritum. Nota est Alexandri vetus historia, qui cum poeta, vt opinor, propter compositum carmen vim magnam pecuniam iussisset dari, ilque respondisset, nimium hoc esse postea, subiecit, at Alexandro non est nimium. Quod sequitur, in gaudium Domini tui, non est pars parabola distincta, sed explicatio superioris super multis te constituam. Hoc enim est super multa seruum constituere, admittere illum ad gaudium domini sui, id est eiusdem regni, eiusdem gloriae, & eiusdem, quae inde percipiuntur, laetitia participem efficere; quemadmodum & de ipso Christo dictum est ad Philippenses 2. 7. 8. 9. Euananuit semetipsum seruam serui accipiens, & habitu inueniens, vt homo, factus obediens usque ad mortem, mortem autem crucis, Propter quod & Deus exaltauit illum; & sicut de Corinthiis dicit D. Paulus 2. ad Cor. 11. 7. Spes nostra forma est pro vobis, scientes, quod sicut socij passionum estis, sic eritis & consolationis, & 2. ad Timotheo 2. 12. sustinebimus, & conregnabimus. Lucas capite 19. 17. aliquanto aliter scribit, Bene bone serue, quia in modico fuisi fidelis, eris potestatem habens super decem ciuitates, quia vna nimirum mina decem lucrificerat, & rursus de altero seruo, qui vna mina quinque lucratus fuerat, & tu inquit versus 20. super quinque ciuitates, quod non est in specie, sed in genere ad rem significatam accomodandum: nec enim sensus est fore, vt in caelo homines aut iustitibus, aut vlli omnino officio praestantur, sed hoc tantum fore, vt pro suis meritis praemia alij maiora accipiant, alij maiora, sed ex consuetudine, aut Christi, aut Euangelista non verba, sed sensum Christi exprimens dicit, Iste super decem ciuitates, quia de rege loquebatur, & regum consuetudo est, bene meritos viros gubernaculis praeficere ciuitatibus. Vndecima pars est versus 20. vigesimo quarto. Accedens autem, & qui vnum talentum acceperat, ait, Domine scio, quia homo durus es, metui, vbi non seminasti: & congreget, vbi non sparsisti: quam nonnulli auctores necessarium, & propriam parabola partem facere videntur, quod id Christus ver. 26. concedere videtur. Itaque quidam interpretantur, in tui, vbi non seminasti, id est gentes sine lege iustitias, & iustitiam ab illis colligis, in quorum animis legis sementem non feceras: cuius interpretationis auctor est Hilarius. D. vero Hieronymus metui, vbi non seminasti, id est non solum ab his, quibus aut Moisaicam, aut Euangelicam legem tradidisti: sed etiam a Philosophis, qui sine lege viuunt, bona opera requiris. Ego hanc non arbitror partem esse parabola, sed adiectum quoddam supplementum: ad explicandam vero huiusmodi narrationem: nec enim credibile est quemquam damnatum a Christo ita illi responsum esse: sed fuit vero simile ita fuisse negligentem seruum Domino traditae pecuniae rationem exigenti responsum, vt in illum negligentia sita culpam reieceret, & suam inertiam Domini seueritate excusaret. Quod ergo sequitur versus 20. vigesimo sexto. Serue male, & piger, fuit as, quia metui, vbi non seminasti, & congreget, vbi non sparsisti, non

Quae sensu praemium operum in alio quam meriti sum.

Y 2

